



ՈՏԱՐՆԵՐԸ ՀԱՅԵՐԻ ԵՎ ՀԱՅԱՍՏԱՆԻ ՄԱՍԻՆ

ՍՈՎԵՏԱԿԱՆ ՄԱՍՈՒԼԻ ՆԵՐԿԱՑԱՑՈՒԹԻՉՆԵՐԻ ԶՐՈՒՅՑԸ ԱՆԳԼՈՍՈՎԵՏԱԿԱՆ
ԲԱՐԵԿԱՍՏՈՒԹՅԱՆ ԸՆԿԵՐՈՒԹՅԱՆ ԴԵԼԵԳԱՑԻԱՅԻ ԱՆԴԱՄՆԵՐԻ ՀԵՏ



րևանում գտնվող անգլո-սովետական բարեկամության ընկերության դեղեգացիայի անդամները հոգիսի 29-ին գրույց ունեցան տեղական մամուլի ներկայացուցիչների հետ:

Անգլիական հյուրերին տրվեցին հետևյալ հարցերը.

1. Ի՞նչ տպավորություն են ստացել ներքևի Սովետական Հայաստանի, նրա տնտեսական և կոլտնտրական շինարարության մասին:

2. Ի՞նչ կարծիքի են դեղեգացիայի անդամները արտասահմանյան հայերի իրենց հայրենիքը վերադառնալու մասին:

3. Ի՞նչպես է վերաբերվում Անգլիայի Կառավարությանը թյուրքիայի կողմից զավթված բնիկ հայկական հողերը վերադարձնելու հարցին:

Դերեգացիայի ղեկավար պ-րն Ստենլի էվանսը հայտարարեց.

— Ակնհերե է Հայաստանի ժողովրդական ամբողջ տնտեսության մեծ առաջադիմությունն ու զարգացումը, որը տեղի է ունեցել Սովետական իշխանության գոյության ժամանակաշրջանում: Մենք նշում ենք նաև բնակչության կենսամակարդակի բարձրացումը: Մեզ վրա առանձին տպավորություն դրած է ելկրի էլեկտրիֆիկացման վիթխարի պլանը, ինչպես նաև Երևանում իրագործված բնակարանային շինարարությունը:

Երբ մենք զրուցում էինք ռեսպուբլիկայի Լուսավորության Մինիստրի հետ, —ասում է անուհետև պ-րն էվանսը, —մենք իմացանք, որ բնակչության 30 տոկոսը սովորում է դպրոցներում: Պետք է փոստովա-

նել, որ մենք սկզբում դրան չհավատացինք: Սակայն գործի հետ մոտիկից ծանոթանալով մենք համոզվեցինք, որ պաճիշտ է, որովհետև հայ բնակչության զգալի մեծամասնությունը կալմամ է երիտասարդությունը:

Անգլիական պառլամենտի անդամ Յուլի Միլվորմենը հաղորդեց իր տպավորությունները Սովետական Հայաստանի կոլտնտրային մասին:

— Սովետական Միությունն ժամանակակից հետո, —ասաց նա, —մեր դեղեգացիան ամենուրեք տեսավ ընդհանուր ճգնում դեպի ուսումը: Պետք է ասել, որ այնպիսի լայն մասշտաբով ուսուցում, ինչպիսին կա Հայաստանում, մենք ոչ մի տեղ չենք տեսել: Ռեսպուբլիկայի կառավարությունը բաց է թողնում մեծ միջոցներ լուսավորության գործի համար և դա ապագայում անշուշտ կտա իր պտուղները:

Մեզ վրա հաճելի տպավորություն թողեց այն, որ Սովետական Հայաստանում կան շատ թատրոններ, և այդ թատրոնները, ինչպես նաև Սովետական ամբողջ Միությունում, հանրամատչելի են, ինչպես աշխարհում ոչ մի տեղ:

Դերեգացիները նշեցին Սովետական Միությունում թատերական բեմադրությունների հսկայական դաստիարակչական նշանակությունը:

Այն հարցին, թե ի՞նչ կարծիքի են դեղեգացիայի անդամները արտասահմանյան հայերի Սովետական Հայաստան ներգաղթելու մասին, պատասխանեց դեղեգացիայի ղեկավար պ-րն էվանսը:

— Այդ հարցում, —ասաց նա, —մեր դեղեգացիայի և անգլիական հասարակականության

կարծիքները միասնական են: Մենք, իմացյալներ, որ Հայաստանի կառավարությունը մեծ հնարավորություններ է տալիս ամբողջ աշխարհում ցրված հայերին հայրենիք վերադառնալու համար: Մենք գտնում ենք, որ դա Հայաստանի համար մեծ գործ է. մենք ավելի քան երջանիկ կլինենք, երբ իմանանք, որ բոլոր արտասահմանյան հայերը հնարավորություն կստանան վերադառնալ իրենց հայրենիքը:

— Նույնիսկ քաղաքականապես քիչ զարգացած անգլիացին, որը ծանոթ չէ Հայաստանի պատմությանը, գիտե, որ թյուրքերը կոտորել են հայերին, դիտե, որ այդ ժողովուրդը շատ անապահով և նա նրան համակրում է,—ասաց պ-րն Բիշոպը:— Անգլիա վերադառնալուց հետո մենք կաշխատենք այդ դեռևս չձևավորված համակրանքը դարձնել ձևավորված հասարակական կարծիք:

Անգլիական պառլամենտի անդամ պ-րն Սիլվերմենը հայտարարեց, որ դեռ մինչ Սովետական Միություն ժամանելը նա դիտե, որ հազարավոր արտասահմանյան հայեր գալիս են Սովետական Հայաստան:

— Սակայն միայն այստեղ ժամանելուց հետո,—ասաց նա,—ես հասկացա և ինչ պատկերացրի այն մեծ աշխատանքը, որ այդ ուղղությամբ կատարում է Սովետական Հայաստանի կառավարությունը:

Միավորել ամբողջ աշխարհում ցրված հայ ժողովրդին, ստեղծել բոլոր պայմանները հայերի ներգաղթի համար՝ հնարավոր է միայն Սովետական իշխանության օրոք: Երբ ասպհովում է նրանց անվտանգությունը և վաղվա նկատմամբ նրանց վստահությունը: Կրկնում եմ, միայն սովետական իշխանության օրոք հնարավոր էր ձեռնամուխ լինել ներգաղթի այդպիսի մեծ սլանի իրագործմանը:

Մեզ իրազեկ են դարձրել ներգաղթի թույլտվություն տալու վերաբերյալ սովետական կառավարության որոշման առթիվ արտասահմանյան հայերի արձագանքներին և արտասահմանյան հայերի Սովետական Հայաստան գալու հսկայական ցանկության վերաբերյալ:

Թյուրքիայի կողմից բռնի կերպով անջատած հոգերը Սովետական Հայաստանին վերադարձնելու հարցի մասին արտահայտվեց անգլիական պառլամենտի անդամ պ-րն Սիլվերմենը:

— Դժբախտաբար,—ասաց նա,—անգլիացիների մեծ մասը Սովետական Հայաստանի մասին քիչ բան դիտե: Մենք՝ Սովետական

Հայաստան ժամանած դեղեգացիայի անդամներս հասկանում ենք, որ այդ հարցը ձեռք համար կ'ենսական նշանակություն ունի: Այդ պրոբլեմը արտացոլում է հայ ժողովրդի խոր զգացմունքներն ու իղձերը: Վերադառնալուց հետո անգլիական ժողովրդին կպատմենք այդ զգացմունքների և իղձերի մասին:

— Այդ հարցը իմ կարծիքով,—ասում է այնուհետև պ-րն Սիլվերմենը,— կարելի է լուծել Միավորված Ազգերի կազմակերպության աջակցությամբ:

Դեղեգացիայի ղեկավար պ-րն Էվանսը իր հերթին ասաց.

— Ես կարծում եմ, որ այդ հարցի առթիվ այստեղ պետք է անկեղծ խոսել: Երբ մենք ժամանեցինք Սովետական Հայաստան, տեսանք, որ բռնի կերպով Թյուրքիայի կողմից անջատված հոգերի վերադարձումը, Սովետական Հայաստանին՝ հանդիսանում է գործնական հարց և որ առանց այդ խնդրի լուծման Հայաստանը չի կարող ընդունել ամբողջ աշխարհում ցրված հարյուր հազարավոր հայերին:



Նրևան այցելած անգլո-սովետական բանկամության ընկերության ղեկեգացիայի անդամ, «Ռուսաստանն այսօր» ժուռնալի խմբագիր Ռեջինալդ Բիշոպը մամուլի ներկայացուցիչներին հանձնեց հետևյալ հոդվածը:

ՌԵՋԻՆԱԼԴ ԲԻՇՈՊ

Աշխարհում չկա մի այլ ազգ, որը կարողանար ավելի հեշտությամբ նվաճել բրիտանական ժողովրդի բարեկամությունն ու համակրանքը, քան հայերը: Մեզանում նույնիսկ քաղաքական տեսակետից ամենահետամնաց և վատ իրազեկ մարդիկ լսել են հայկական կոտորածների մասին: Նրանք կարող են չիմանալ այդ գաղանկություններին ուղեկցած հանգամանքների մասին շատ բան, կարող են նույնիսկ չիմանալ, թե որտեղ են տեղի ունեցել այդ դաժանությունները, նրանք կարող են չիմանալ, թե որտեղ է գտնվում Հայաստանը,—բացայն մասին, որ հայերը անցյալում եղել են հալածված ժողովուրդ, նրանք գիտեն և որպես այդպիսի ժողովրդի նրանք պատրաստ են բանալ իրենց սրտերը:

Ես կարծում եմ, որ մեր դեղեգացիայի յուրաքանչյուր անդամ ապշեց տեսնելով, թե որքան շատ բան է արված սովետական

իշխանության անցած ժամանակաշրջանի 25 տարվա ընթացքում՝ Հայաստանը կուտուրական, արդյունաբերական և մյուս տեսակետներից պարզացնելու համար:

Դեռ ավելի ևս շատ բան պետք է արվի, բայց այն, ինչ կատարված է, հանդիսանում է լավագույն հնարավոր նախաՆշանը ապագայի համար:

Նրանում հայ ժողովուրդը ունի մեծ ազդիւն արժանի մայրաքաղաք: Նրա ծառերով պատած լայն փողոցները և հոյակապ շենքերը խիստ հակապատկեր են ներկայացնում բլուրի վրա դեռ անբացող հին քաղաքի մնացորդների համեմատութեամբ:

Գյուղական վայրերում տները դեռ պրիմիտիվ են, բայց այստեղ ևս մեծ քանակ-

կությամբ նոր կառուցված շենքերը խոստանում են, որ հայերի ապագա սերունդները կունենան գյուղեր, որոնցով նրանք կկարողանան հպարտանալ նույնպես, ինչպես այսօր նրանք հպարտանում են իրենց մայրաքաղաքով:

Կրթութեան տարածումը շտեմնված է Աշխարհում ոչ մի ալպ չի կարող պարծենալ նրանով, որ նրա բնակչության 20 տոկոսը ավելին գտնվում է դպրոցում: Իհարկե, դրա համար կան հատուկ պատճառներ, բայց նրանք չեն փոխում այն փաստը, որ այդպիսի խնտենսիվ կրթական աշխատանքը կզարգացնի հայ ժողովուրդին, որը ունենալով բոլոր հիանալի մարտական հատկությունները, կունենա նաև լայն կուլտուրա, որը



Անգլո-սովետական բարեկամության ընկերության դեղագացիայի անդամներն էջմիածնում.

անցյալում ունեցել են միայն քչերը:

Արդեն այժմ այդ փոփոխության կյանքը հոսում է շատ ուղղութիւններով: Այդ բանը մենք տեսանք ձեր թատրոններում, որտեղ այդ կուլտուրան մեզ թվաց շատ նրբին: Ի դեպ, ամբողջ աշխարհում չի կարող չինել այդ մասշտաբի մարդկանց մի այլ հասարակություն, որը կարողանալ պարծենալ 26 թատրոնով, էլ չենք խոսում թատերական արվեստի ինստիտուտի մասին:

Աղքատ և հետամնաց հողագործական

երկրից, որը ստրկացված էր օտարերկրյա լծի տակ, Հայաստանը վերածվեց առավելապես արդյունաբերական էկոնոմիկա ունեցող ազատ երկրի, այն միջոցին, երբ նրա հողագործական արտադրությունը զարգացավ ինչպես քանակական, այնպես էլ որակական տեսակետից:

Մենք հասկանում ենք, թե ինչու հայերը ամբողջ աշխարհից ձգտում են վերադառնալ իրենց հարազատ հողը: Նրանք իրենց

կողմից է՛լ ավելի կհարստացնեն հսկայական առաջադիմության հորձանքը:

Մեծ Բրիտանիայում քիչ բան է հայտնի Սովետական Հայաստանի, այդքան հեռու գտնվող փոքրիկ երկրի մասին: Մենք մեր պարտքը կհամարենք նրա մասին տարածել ճիշտ պատկերացում մեզ մատչելի բոլոր միջոցներով: Մենք կնշենք արդեն ձեռք բերված մեծ առաջադիմությունը և այն հսկայական ջանքերը, որ երկիրը կատարում է հնգամյա նոր պլանի ընթացքում: Մենք կանենք նաև այն, ինչ որ մեր ուժերը ներում են, որպեսզի պարզ դարձնենք Թյուրքիայի տիրապետության տակ գտնվող հին տերիտորիաները վերադարձնելու հայկական պահանջների բնույթը: Մենք կփորձենք սլարզ դարձնել, որ այդ տերիտորիաներում 1915-1920 թվերին կոտորվել է մեկ միլիոն հայկաթյուն և ավելի ևս մեծ քանակությամբ հայեր աքսորվել են և փոխուստի դիմել: Մենք կնշենք, որ մեկ ու կես միլիոն հայերի նվաճումամբ արդարությունը հնարավոր չէ կենսագործել ամբողջ աշխարհում, մինչև որ նրանց համար մատչելի չի դառնա այդ հողը որպես ազատ Սովետական Հայաստանի անբաժան մասը:

Մենք չենք փորձի Հայաստանը նկարագրել որպես մի դրախտավայր: Ավելի շուտ կփորձենք մեր տպավորությունները շարադրել այն դիտողության ոգով, որ 18 ամյա առաջ բրիտանական պառլամենտական դեմագոգիային արել է գնենբալխասիմուս Ստա-

լինը: Դեմագոգիան նրան հարցրել է, թե ինչպես կարող է ավելի լավ ծառայել բրիտանա-սովետական հարաբերություններին: Նա պատասխանել է, առնվազն, որ ամենից լավն է տուն վերադառնալով պատմել ամբողջ ճշմարտությունը այն մասին, ինչ դեմագոգիան տեսել է Սովետական Միությունում, թե վատը և թե լավը: Մենք այդպիսի ենք Սովետական Միության շատ մասեր և տեսել ենք, թե ինչպես մեծ երկիրը ոտքի է կանգնում այն բոլոր զոհաբերությունների ու տառապանքների տարիներին, որ բաժին են ընկել միայն մի բանի երկրներին:

Մենք տեսանք շատ այնպիսի բաներ, որ պետք է բարելավել, բայց է՛լ ավելի շատ այնպիսի բաներ, որոնք հիացմունք են առաջացնում: Եվ վերջին տեղը չէին զբաղվում հիացմունք առաջացնող այն բաները, որ մենք տեսանք Սովետական Հայաստանում:

Մեր երկրների բարեկամությունը սովետական ժողովրդի, ինչպես նաև բրիտանական ժողովրդի համար հանդիսանում է խաղաղության, անվտանգության և բարգավաճման էական հիմք:

Մեր դեմագոգիայի անդամները Հայաստանի և հայերի նկատմամբ վրդապանեն առանձնապես շերմ բարեկամություն այն սրտագին վերաբերմունքի համար, որ ներառյց ցույց տրվեց այստեղ գտնվելու ժամանակ:

(Թարգմանություն անգլերենից)

Պ-ՐՆ ԴԵՆԻՍ ՆՈՒԷ ՊՐԻՏՏԸ ԵՐԵՎԱՆՈՒՄ

Սեպտեմբերի 14-ին Երևան ժամանած անգլիական ականավոր հասարակական գործիչ, ՍՍՌՄ-ի հետ կուլտուրական կապի անգլիական ընկերության նախագահ, պառլամենտի անդամ պ-րն Դենիս Նոու Պրիտտը և ՍՍՌՄ-ի հետ կուլտուրական կապի անգլիական ընկերության քարտուղար տիկին Զուդիթ Տոդդը, երեք օր անցկացնելով Հայկական ՍՍՌ-ում, ծանոթացան ռեսպուբլիկայի կուլտուր-լուսավորական և գիտական հիմնարկությունների հետ:

Հյուրերը այցելեցին Երևանի Կրուպսկայի անվան իգական դպրոցը, Զեռադրատունը (Մատենադարանը), Կերպարվեստի պետական թանգարանը: Նրանք եղան նաև Սպենդիարովի անվան օպերայի և բալետի Պետական թատրոնում, որտեղ լսեցին «Ալմաստ» և «Արշակ երկրորդ» օպերաները:

Հյուրերը դիտեցին պատմական վայրերը,

այցելեցին էջմիածինը, որտեղ զրույց ունեցան կաթողիկոս Գևորգ Զ-ի հետ: Նրանք եղան Մ Յ սովխոգում, Վերին Արտաշատ գյուղում, որտեղ ծանոթացան կոլխոզի աշխատանքի հետ, այցելեցին կոլխոզնիկներին, այդ թվում հայրենիք ներգաղթած արևմտահայերի հայերի տները:

Պ-րն Դենիս Նոու Պրիտտը և տիկին Զուդիթ Տոդդը զրույց ունեցան արտասահմանյան հայերի ընդունելության և տեղավորման կոմիտեի նախագահ ընկ. Բ. Աստվածատրյանի հետ:

Սեպտեմբերի 17-ին պ-րն Դենիս Նոու Պրիտտը և տիկին Զուդիթ Տոդդը թռան Ստալինգրադ:

Նախքան Երևանից մեկնելը պ-րն Պրիտտը զրույց ունեցավ մամուլի ներկայացուցի-

ցիչների հետ: Ստորև բերվում են պ-րն Պրիտտի պատասխանները իրեն տրված հարցերին:

«Ինձ խնդրել են պատասխանել երեք հարցի. 1) Որո՞նք են իմ տպավորությունները կարճ ժամանակ Երևանում գտնվելու միջոցին: 2) Ի՞նչ տպավորություններ եմ ստացել արտասահմանյան հայերի ներգաղթի մասին և ինչպե՞ս եմ հս գնահատում դրա նշանակությունը. 3) Ո՞րն է իմ անձնական տեսակետը նախկինում թյուրքերի կողմից խլված հայկական հողերի վերադարձման պահանջի արդարացիության վերաբերյալ:

ԻՄ ՊԱՏԱՍԽԱՆՆԸ

1) Ես տեսա հին և նոր քաղաքը, կուլտուրայի ասպարեզում ձեր նվաճումներից շատերը, ես տեսա ձեր արվեստի որոշ դանձեր, գոհունակությամբ լսեցի հայկական երկու օպերա, այցելեցի մեկ իգական միջնակարգ դպրոց: Ես եղա Զվարթնոցում և էջմիածնում և հետաքրքիր գրույց ունեցա կաթողիկոսի հետ: Ես նվազ մեկ սովխոզում և մեկ կոլխոզում: Իմ հակիրճ տպավորությունները հետևյալներն են. այստեղ մենք ունենք այն բանի հրաշալի օրինակը, թե ինչպե՞ս աշխույժ, սրտագին, աշխատասեր և խաղաղաբեր ժողովուրդը քաղում է սովետական սոցիալիստական սիստեմի տնտեսական և հողերի առավելությունները: Հայերը հպարտ և անբռնելի են, որ իրենք ազատ են և հանդիսանում են սովետական քաղաքացիներ, նրանք հպարտ են, որ հանդիսանում են Սովետական Սոցիալիստական Ռեսպուբլիկաների մեծ Միության քաղաքացիներ, որի շատ ժողովուրդներ, ներառյալ նաև հայերը, այնքան մեծ ծառայություն են մատուցել մարդկությանը:

Այն հսկայական նյութական ու կուլտուրական առաջադիմությունը, որ ես տեսա քաղաքում և գյուղում, շշմեցուցիչ և անհավատալի կլինեին, եթե դուք չլինեիք սոցիալիստական երկրի ժողովուրդ և չհանդիսանայիք ազատ ինտելիգենտ ազգ: Իմ տպավորությունների մեջ մտնում է իհարկե անձամբ իմ նկատմամբ ցուցաբերված մեծ սրտակցության ամենաաշխույժ վերաբերմունքը, բայց այստեղ տեղը չէ գրել իմ անձնական ընկալումների մասին:

2) Ես ուսումնասիրեցի հայրենիք վերադառնալու պրոբլեմը, երկարատև գրույց ունեցա հայրենադարձության մրմիտեի նախապահ հետ: Ես տեսա հայրենիք վերադարձած դպրոցականներ, ինտելիգենցիայի

և գյուղացիների ներկայացուցիչներ: Այդ բոլորը ինձ վրա ուժեղ տպավորություն թողեց:

Նախ, հայրենիք վերադառնալու հանդիսանում է մեծ մարդասիրության դրսևորում, որը շատ հայերի ազատագրեց այն հոգեկան դժբախտություններից, տարագրություններից և նյութական ճակտորդություններից, որ նրանք շարունակում են այժմ կրել արտասահմանյան շատ երկրներում:

Երկրորդ, համեմատաբար այդքան մեծ թվով ձեր հայրենակից նոր քաղաքացիների ընդունման և օգտակար աշխատանքի մասնակից դարձնելու գործնական աշխատանքը այդ բառի լիակատար իմաստով ոչ միայն գովելի է, այլև անհնարին կլինեի մի այլ, ոչ սոցիալիստական պետությունում: Սովետական Միության սահմաններից դուրս դա շատ մարդկանց անհավատալի կթվա, բայց ես հույս ունեմ, որ ի վիճակի եմ նրանց համոզել:

Հայրենադարձության հետևանքով մի քանի տարուց հետո դուք կարող եք արձանագրել, որ դուք ձեր ֆրոնտը հարստացրել եք զգալի թվով հայ նոր քաղաքացիներով, որոնք այն ժամանակ կհամապատասխանեն ձեր բարձր պահանջներին:

Ես լավ տեսնում եմ, որ հայրենադարձությունը լայն նպատակ և կարևորություն ունի այժմ և հետագայում, բայց ես սահմանափակվում եմ անձամբ իմ ստացած տպավորություններով:

3) Միանգամայն ակներև է, որ հայ ժողովուրդը ունենալով ազգային գոյության իրավունք, արդարացի է իր այն պահանջներում, որ վերաբերում են հայերին իրենց պատկանող և իրենց կողմից կառավարվող մեկ միասնական առավելին պետության մեջ վերաամիսվորվելուն: Դա դժվար է վիճարկել: Խոսքը տարրական արդարություն մասին է: Աշխարհագրական առանձնահատուկ այն վիճակում, որի մեջ գտնվում են Հայաստանում հայերը, նրանց պահանջը, այն է՝ ապրել որպես ազատ հայկական հողում, — քաղաքացիական միակ և ամենապարզ ուղին է այժմյան սահմանի ուղղումը և այնպիսի սահմանի հաստատումը, որը հնարավորություն կտա բոլոր հայերին միավորվել Հայկական ՍՄԽ-ում:

Այդ լուծումը ինձ թվում է արդարացի և, այն ամենը, ինչ որ ես կարող եմ անել այդ լուծումը արագացնելու համար, ես կանեմ:

Դ. Ն. ՊՐԻՏՏ